

HEINRICVS MINORITA EPISCOPVS BASILIENSIS.



H Einricus Artopei filius in oppido Isenach Sueviæ natus est. Is fœlicissimo ingenio & singulari facundia erat præditus. Ut etiam has nature dotes studijs exornaret, monasterium ingressus Franciscanorum ordinem assumpsit. In eo adeò profecit, ut breui apud Minoritas magnā eruditio[n]is famam nactus fuerit. Itaq[ue] Lucernæ, dein de Basileæ, postea Moguntiæ in eorum conuentu lector cōstitutus, sacras literas professus est. Hisce exercitijs factum, ut Theologiæ Doctor creatus fuerit. Fuerat is aliquando Rhodolpho comiti à confessionibus. Vnde cum eius mores & integritatem nouisset, eum Moguntinensi electori plurimum commendauit, ita ut paulo pōst Rhodolphus Cæsar renunciatus fuerit. Propterea eum quoq[ue] Rhodolphus singulari amore prosecutus est. Interea Heinricus comes Nuenburgensis, & Basiliensis præsul mortuus est. Itaq[ue] Petrus Rich cathedralium Ecclesiarum Moguntinensis & Basiliensis præpositus, hunc Heinricum rebus agendis promptissimum Romam ad Gregorii pontificem alegauit, ut sibi vacantem Basiliensem Episcopatum impetraret. Verūm pontifex eius eloquentiam & eruditionem admiratus, ipsum Legatum Episcopum creauit, atq[ue] eum postea, anno 1274.